



貓捕雀 - 課文

窗外有棗林，雛雀習飛其下。一日，貓蔽身林間，突出噬雀母。其雛四五，噪而逐貓，每進益怒。貓奮攫之，不勝，反奔入室。雀母死，其雛繞室啁啾，飛入室者三。越數日，猶望室而噪也。

哀哉！貓一搏而奪四五雛之母，人雖不及救之，未有不惻焉動於中者。而貓且眈眈然，惟恐不盡其類焉。烏虜，何其性之忍耶！

物與物相殘，人且惡之；乃有憑權位，張爪牙，殘民以自肥者，何也？



取材自：《中學中國語文》，中一單元八散文（2002）。香港：現代教育研究社。